



პედაგოგიური პრაქტიკის კვლევის ანგარიში

შემაჯამებელ დავალებებში მოსწავლეთა დაბალი აკადემიური მოსწრების მიზეზების და შედეგის გაუმჯობესების გზების კვლევა გეოგრაფიის გაკვეთილზე

სამიზნე ჯგუფი-VII კლასი

შპს კერძო სკოლა „ოქროს აკვანის“ გეოგრაფიის მასწავლებელი _მირანდა ფორჩხიძე

სარჩევი

შესავალი -----4

თავი 1

1.1 საკვლევი საკითხის მიმოხილვა.-----6

1.2 კვლევის მიზნები და ამოცანები-----6

1.3 პრობლემის გამომწვევი საფარადო მიზეზები და მათი გადაჭრის გზები-----7

1.4 საკვლევი კითხვების ფორმულირება-----8

თავი 2

ლიტერატურის მიმოხილვა

2.1 მოსწავლის შეფასების მიზნები, პრინციპები და ამოცანები-----10

2.2 შემაჯამებელი (განმავითარებელი და განმსაზღვრელი) შეფასება-----14

თავი 3

3.1 კვლევის მეთოდების განხილვა-----17

3.2 ჩარევის (ინტერვენციის) დაგეგმვა-----19

3.3 ინტერვენციის შედეგები და მონაცემთა ანალიზი-----20

3.4 პრაქტიკული კვლევის არსი და სკოლაში მისი დანერგვა-----30

თავი 4

პროექტის ვადები, მიგნებები , რეკომენდაციები, დასკვნა ,ბიბლიოგრაფია.

4.1 კვლევის ვადები-----31

4.2 დასკვნა:	34
4.3 ბიბლიოგრაფია	35
4.4 დანართები	37
რეფლექსია კვლევის შედეგების გაზიარების შესახებ	43

შესავალი

წინამდებარე ნაშრომში განხილულია, კერძო სკოლა „ოქროს აკეანის“ მე-7-ე კლასში, შემაჯამებელ დავალებებში დაბალი აკადემიური მოსწრების მიზეზები და შედეგის გაუმჯობესების საკითხი. ყურადღება გამახვილებულია საკვლევ საკითხთან დაკავშირებით პრობლემის გამოშვებ მიზეზებზე და მისი გადაჭრის შესაძლებლობებზე. მოგეხსენებათ აკადემიური მოსწრება ფართო მასშტაბიანი საკითხია და მნიშვნელოვან პრობლემას წარმოადგენს განათლების სისტემისთვის. მოსწავლეთა შეფასების ერთ-ერთი მნიშვნელოვანი კომპონენტია შემაჯამებელი შეფასება. მოსწავლე ვალდებულია შეასრულოს ეროვნული სასწავლო გეგმით დადგენილი ყველა შემაჯამებელი დავალება. ამიტომ მასწავლებელმა დიდი ყურადღება უნდა დაუთმოს ამ მიმართულებით გამოვლენილ პრობლემებს.

ჩემს მიერ წარმოდგენილია ნაშრომი – პრაქტიკული კვლევის ანგარიში. კვლევის ანგარიშში განხილულია გეოგრაფიის შემაჯამებელი დავალებების დაბალი შეფასების მიზეზები მეშვიდე კლასში და მათ აღმოსაფხვრელად განხორციელებული ღონისძიებები. კვლევა მოიცავს პრობლემის შესწავლის, სხვადასხვა ღონისძიებების დაგეგმვა – განხორციელებისა და შეფასების ეტაპებს. მოცემული საკითხის კვლევისთვის შევიმუშავე გეგმა, რომლის მიზანიც იყო სასწავლო პროცესში აკადემიური მოსწრების ხარისხის გაუმჯობესება, ცოდნის ღონის ამაღლება. კვლევა ჩატარდა, როგორც თვისებრივი, ისე რაოდენობრივი მეთოდების გამოყენებით, ინსტრუმენტებს კი წარმოადგენდა ფოკუს ჯგუფი, დაკვირვება, ანკეტირება და კითხვარი. შედეგის მისაღწევად გამოყენებული იქნა ინტერვენციები, რომლებიც კვლევის პროცესში საჭიროებიდან გამომდინარე დაიგეგმა.

ნაშრომი შედგება 4 თავისგან. **1 თავში** მოცემულია საკვლევი საკითხის მიმოხილვა , პრობლემის აქტუალობა , სამიზნე ჯგუფი , კვლევის მიზნები და ამოცანები, პრობლემის გამომწვევი მიზეზები

ლიტერატურა –მოსწავლის შეფასების შესახებ.

III თავში განხილულია საკვლევი კითხვები . IV თავში კვლევის მეთოდებია განხილული, ინტერვენციის დაგეგმვა, ინტერვენციების შედეგები და მათი ანალიზი. V თავი ცხრილების და გრაფიკების ჩამონათვალი . VI თავი ეხება პრაქტიკული კვლევის არსს და სკოლაში მის დანერგვას. VII თავი მოიცავს ინფორმაციას კვლევის მეთოდოლოგიას და პროექტის ვადებს .აღწერილია კვლევის ჯგუფის მიგნებები, რეკომენდაციები და კვლევის ნაკლოვანებები. ანგარიშს თან ერთვის დასკვნა ,ბიბლიოგრაფია და დანართი. ძირითადი საძიებო სიგეყები: მოსწავლეთა აკადემიური მოსწრება, მოსწავლეთა ჩართულობის გაზრდა, ცოდნის დონის ამაღლება, ჯგუფური მუშაობის ფორმები, ეფექტური სწავლების სტრატეგიები

ნაშრომი შედგება ოთხი თავისგან. პირველ თავში განხილულია ლიტერატურა და პრაქტიკის კვლევის არსი. მეორე თავში მოცემულია ინფორმაცია სამიზნე ჯგუფის შესახებ. საკვლევი საკითხის მიმოხილვა, კვლევის მიზანი და ამოცანები. საკვლევი საკითხის აქტუალობა და განხორციელების ვადები.

მესამე თავში განხილულია კვლევის მეთოდები და ინტერვენციები . ასევე მოიცავს ინტერვენციების შედეგებს და მონააცემთა ანალიზს.

მეოთხე თავში აღწერილია კვლევის მიგნებები, რეკომენდაციები და კვლევის ნაკლოვანებები. კვლევის რეზულტატია ანგარიშს ერთვის დასკვნა, ბიბლიოგრაფია და დანართი.

თავი 1

1.1 საკვლევი საკითხის მიმოხილვა.

პრაქტიკული კვლევის მიზანია გეოგრაფიის შემაჯამებელ დავალებებში მოსწავლეთა დაბალი აკადემიური მოსწრების მიზეზების კვლევა და შედეგის გაუმჯობესება .

პრობლემის აქტუალობის დასაბუთება.

მოსწავლეთა უმეტესობა მიმდინარე შეფასებაში მაღალი აკადემიური შედეგით გამოირჩევა, თუმცა შემაჯამებელ დავალებებში ისინი ავლენენ დაბალი აკადემიურ შედეგს. მათ ნაკლებად გააჩნიათ სწავლისადმი შინაგანი და გარეგანი მოტივაცია . არ აქვთ საკუთარი შესაძლებლობის რწმენა, თავდაჯერებულობის უნარი. თავს იკავებენ საკუთარი ამრის დაფიქსირებისგან. უჭირთ მიღებული თეორიული ცოდნის პრაქტიკული აღქმა, კონკრეტულ სიტუაციაში გამოყენება. სწორედ ამიტომ გადაწყვეტიდა ამ საკითხზე კვლევის ჩატარება, რომ დაემდგინა მიზეზი და შესაბამისად ინტერვენციების დახმარებით მიმედწია მიზნისთვის.

სკოლა და სამიზნე ჯგუფის შესახებ

კერძო სკოლა „ოქროს აკვანი“ მდებარეობს ქ. თბილისის , ისანი _სამგორის რაიონში. სკოლა დაარსდა 2004 წელს. მისი დამფუძნებელია _ქალბატონი: მ. მიქაძე. სკოლაში სწავლობს 250_ მღე მოსწავლე. სკოლაში დასაქმებულია 30 -მღე პედაგოგი.

კვლევაში მონაწილეობა მიიღეს მე-7 კლასის მოსწავლეებმა (19 მოსწავლე, ნოემბრიდან დაგეგმავა ერთი მოსწავლე და სულ 20 მოსწავლე).

კვლევაში ჩართული იყო ყველა. მათ შორის არა არის სპეციალური საჭიროების მქონე მოსწავლე. კვლევა განხორციელდა 2019–2020 სასწავლო წელს პირველ სემესტრში, სექტემბრიდან დეკემბრის ჩათვლით.

1.2 კვლევის მიზნები და ამოცანები

უნდა ავლნიშნო , რომ სკოლებში საბაზო საფეხურზე გეოგრაფიაში, ერთ–ერთი მთავარი პრობლემაა შემაჯამებელი სამუშაოების დაბალი შედეგები. განსაკუთრებით სწავლების პირველ წელს, როდესაც ახალი საგნები ემაგება კლასს, რთულდება საკითხები: შემოდის ახალი კონსტრუქციები, საჭიროა თეორიული მასალის პრაქტიკული აღქმა, სივრცეში ორიენტირება. მოსწავლეებს უჭირთ საგანკვეთილო პროცესში მიღებული ცოდნის გათავისება და გრანსფერი. არსებული პრობლემის იდენფიცირებისა და შედეგის გაუმჯობესების მიზნით 2019–2020 სასწავლო წელს პირველ სემესტრში ჩავატარე პედაგოგიური პრაქტიკის კვლევა.

კვლევის მიზანია დადგინდეს მეშვიდე კლასში გეოგრაფიის შემაჯამებელი დავალებების დაბალი შედეგების მიზეზები და დაიგეგმოს მათ აღმოსაფხვრელად განსახორციელებელი ქმედებები. გაუმჯობესდეს შედეგი შემაჯამებელ დავალებებში, ასევე ამაღლდეს ცოდნის დონე და ხარისხი.

1.3 პრობლემის გამომწვევი სავარაუდო მიზეზები და მათი გადაჭრის გზები

რა შეიძლება იყოს პრობლემის გამომწვევი მიზეზები?

პრობლემის ზუსტად განსაზღვრისათვის მნიშვნელოვანია ჩამოვაყალიბოთ კვლევის მთავარი კითხვა:

რა არის მეშვიდე კლასში გეოგრაფიის გაკვეთილზე შემაჯამებელ დავალებათა დაბალი შედეგების მიზეზები?

პრობლემის გამომწვევი სავარაუდო მიზეზების ძიების დროს გამოიკვეთა რამდენიმე საინტერესო საკითხი:

1. გეოგრაფიის საგანი მათთვის ახალია, ისევე როგორც საბუნებისმეტყველო საგნები . ისინი რთულად აღიქვამენ ბუნებიდან გეოგრაფიაზე გადასვლას. ბუნებაში შედრებით ადვილ შემაჯამებელ დავალებებს ასრულებენ. ამიტომ, როდესაც დავალებები რთულდება, მათ უჭირთ მათი შესრულება. უჭირთ ეროვნულ სასწავლო გეგმით გათვალისწინებული პროგრამის დაძლევა.
2. როდესაც მოსწავლეებს უხდებათ კონკრეტული თემის მრავალმხრივი თეორიული განხილვა, მათ უმრავლესობას უჭირს ცოდნის მობილიზება. მობილიზებიდან მხოლოდ ერთ გაკვეთილზე , ერთი საკითხის ირგვლივ, ხოლო მომდევნო გაკვეთილზე წინარე ცოდნის გამოყენება ძალიან უჭირთ, შესაბამისად შედეგიც დაბალია. განსაკუთრებით მათ უჭირთ თეორიული მასალის პრაქტიკული აღქმა, სივრცეში ორიენტირება. მაშინ როდესაც ძალიან ბევრს ემუშაობთ გაკვეთილზე და ასევე პრაქტიკულ დავალებებს ასრულებენ სახლშიც.
3. შემაჯამებელ სამუშაოებში მოსწავლეთა დაბალი შედეგების მიზეზი შეიძლება იყოს პროგრამის გართულება, დავალებების გართულება, განმსაზღვრელი შეფასება. მოსწავლე ჯერ კიდევ ვერ აღიქვამს განმსაზღვრელი შეფასების არსს.

დასკვნა:

მოგეხსენებათ საბაზო საფეხურის მოსწავლეებს უჭირთ დავალებების შესრულება, მიუხედავად იმისა, რომ მიჩვეულები არიან სხვადასხვა გიპის სავარჯიშოებს შემაჯამებელში. ეს იმით შემიძლია ავხსნა, რომ გეოგრაფია მათთვის უცხო საგანია, რომელიც მე-7 კლასიდან ისწავლება. ასევე მათ ემეგებათ სხვადასხვა საგანი: ბიოლოგია, ქიმია , ფიზიკა. ჯერ კიდევ არ იცის ყველა მოსწავლემ, თუ როგორ მოემზადონ, მობილიზდენ იმისთვის , რომ შეძლონ ყველა მიმართულების დავალებას გაართვან ერთდროულად თავი. მათ სჭირდებათ გარკვეული პერიოდი, რათა მოახდინონ ახალ საგნებთან მიმართებაში ადაპტაცია.

ამ კლასში მასწავლებელი ცდილობს შედარებით ადვილი შემაჯამებელი დავალებები მისცეს მოსწავლეებს. მე-7 კლასიდან მოსწავლეებს უწევთ მიეჩვიონ ისეთი შემაჯამებელი დავალებების შესრულებას, რომელიც შეამოწმებს მათ უნარ-ჩვევებს

საზოგადოებრივი და საბუნებისმეტყველო მეცნიერებების სწავლების ყველა მიმართულებით . რადგან ასეთი დავალებები მათთვის ახალია, მოსწავლეთა უმრავლესობას უჭირს მაღალი და საშუალო შეფასების მიღება.

1.4 საკვლევი კითხვების ფორმულირება

ესგ –ს მიხედვით გეოგრაფიის საგნის შემაჯამებელი წერების მოთხოვნებში შედის: განუვითაროს მოსწავლეებს ორიენტირების უნარი სივრცესა და დროში. სხვადასხვა თვალსაზრისების კითხვის უნარი ინფორმაციის მოსაპოვებლად, სხვადასხვა ტიპის წყაროდან (რუკა, ფოტო, ცხრილი, გრაფიკი, დიაგრამა, აერო და კოსმოსური სურათები, მულტიმედია საშუალებები) ინფორმაციის ამოკითხვა და გაანალიზება; კვლევის შედეგების ცხრილების, გრაფიკების და დიაგრამების სახით წარმოდგენა. გეოგრაფიული გარსის მთლიანობის აღქმა და მისი გეოსფეროების ურთიერთდამოკიდებულების გაანალიზება, გეოგრაფიული აღმოჩენების მნიშვნელობის გააზრება საზოგადოების განვითარებისთვის, ბუნებრივი პირობებისა და რესურსების ზეგავლენის გაანალიზება მოსახლეობის სამეურნეო საქმიანობასა და ცხოვრების წესზე, გარემოსდაცვითი ღონისძიებების აუციელებლობის შესახებ მსჯელობის უნარი. დემოგრაფიული მახასიათებლების და განსახლების თავისებურებების შესახებ მსჯელობის უნარები.

ამიგომ შემაჯამებელ ტესტებში შემაქვს დავალებები სხვადასხვა მიმართულებით.

პრაქტიკული კვლევის მიზანია გამოვიკელიო, რომელი მიმართულების დავალებაა მოსწავლეებისთვის უფრო რთული და რატომ. ასევე მოსწავლეთა შედეგის გაუმჯობესების გზების ძიება შემაჯამებელ სამუშაოში, მათი აკადემიური მოსწრების გაუმჯობესება. კვლევის მთავარი კითხვაა, ჩემი სამუშაო პერიოდის განმავლობაში (7 წელი), თუ რა არის მიზეზი მე–7 კლასში, გეოგრაფიის შემაჯამებელ სამუშაოებში დაბალი აკადემიური მოსწრებისა.

მთავარი საკვლევი საკითხებია:

- შემაჯამებელი სამუშაოების მრავალფეროვანი ტიპების გამოყენების გავლენა, შემაჯამებელი სამუშაოს შედეგზე
- მოსწავლეთა ინტერესის არეალის გაგება და მორგება შემაჯამებელი სამუშაოზე.
- შეესაბამება თუ არა დავალებები მათ ინტერესებს.
- რა ტიპის დავალებები არის მათთვის უფრო საინტერესო.
- დავალებების შესაბამისობა მათ საჭიროებებთან.
- ჩემს მიერ მიწოდებული დავალების არსის წვდომა.
- არის თუ არა სირთულე დავალებების მოცულობაში.
- დროის ფაქტორის გავლენა თითოეული დავალების შესრულებისას.

- პრობლემის მიზეზი არის თუ არა სწავლისათვის შესაბამისი უნარ-ჩვევების არქონა .
- რა შეიძლება დაეხმაროს მათ შედეგის გაუმჯობესებაში.
- გაუმჯობესდება თუ არა შედეგი თუ სხვა ფაქტორების დავალებებს შეასრულებენ.

მოსალოდნელი შედეგები:

ვფიქრობ, აღნიშნული კვლევის შედეგად შესაძლებელი გახდება პრობლემათა იდენტიფიცირება და მიზანმიმართულად დაგეგმილი ინტერვენციების შედეგად მეტ-ნაკლებად გაუმჯობესდება მოსწავლეთა შედეგები

კვლევის განხორციელება საინტერესო იქნება საბუნებისმეტყველო და საზოგადოებრივი მეცნიერებების მასწავლებლებისთვისაც, რადგან შემაჯამებელი დავალებებთან დაკავშირებული სირთულეები თითოეული საგნის სწავლების თანმდევი მოვლენაა. აღნიშნულ კითხვებზე პასუხის გასაცემად შევიმუშავეთ კვლევის გეგმა.

თავი 2

ლიტერატურის მიმოხილვა

2.1 მოსწავლის შეფასების მიზნები, პრინციპები და ამოცანები

ნაშრომზე მუშაობისას გამოყენებულია მეთოდური სახელმძღვანელოები ქართული ექსპერტებისა და განათლების სპეციალისტების ავტორობით, ასევე მასალები ინტერნეტში განთავსებული სტატიები, პედაგოგთათვის განკუთვნილი ლიტერატურიდან; ერთ-ერთი მაგთანია სტატია – **სასკოლო შეფასების მიზანი**, (რობერ შუმანის ევროპული სასწავლებელი) სტატიაში გამოკვეთილია **შეფასების პრინციპები და მიდგომები**, რომ აკადემიური მოსწავლის შეფასება უნდა იყოს ხშირი და მრავალმხრივი, რათა მან, ერთი მხრივ, ხელი შეუწყოს მოსწავლეთა მრავალმხრივ განვითარებას, როგორც ამას მოითხოვს ეროვნული სასწავლო გეგმა და, მეორე მხრივ, საკუთარი შესაძლებლობების გამოვლენისა და განვითარების თანაბარი პირობები შეუქმნას განსხვავებული პოტენციალის მქონე ყველა მოსწავლეს. მრავალმხრივი განვითარების უზრუნველყოფა მოითხოვს მოსწავლის შეფასებას

მრავალგვარი კრიტერიუმის გამოყენებით და მრავალფეროვანი აქტივობების საშუალებით, რაც მოსწავლეებს მისცემს არამხოლოდ ცოდნის, არამედ უნარ-ჩვევების ფართო სპექტრისა და ამროვნების განსხვავებული ფორმების დემონსტრირების საშუალებას.

ნაშრომში გამოყენებულია მასალები საიგზე maswavlebeli.ge გამოქვეყნებული სტატიებიდან. ერთ-ერთი მაგთანი, რომელიც მინდა გამოვეყნო ეს არის - **მასწავლებლის მიერ მოსწავლის შეფასება ზოგადსაგანმანათლებლო სკოლაში** (ავტორი:მანანა ბაქრაძე) სტატიაში გამოკვეთილია სწავლა-სწავლების პროცესში რა მეთოდი უნდა გამოიყენოს მასწავლებელმა. ყველაზე მნიშვნელოვანი და აუცილებელი შეფასების პრინციპების დაცვაა:

- სანდობა - მკაფიო და ნათელი კრიტერიუმები და ზუსტი ინსტრუქციები
- ვალიდურობა - საკითხთან შესაბამისი შეფასების კრიტერიუმები
- ობიექტურობა - შეფასება არ არის დამოკიდებული შემფასებლის სურვილსა და მოსაზრებებზე
- გამჭვირვალობა - შეფასების კრიტერიუმები/რუბრიკები ცნობილია ყველასათვის

ყოველივე ამის გათვალისწინების შედეგად, მოსწავლეს საშუალება ეძლევა უფრო კარგად მოემზადოს, ყურადღება გაამახვილოს მნიშვნელოვან საკითხებზე. შესაბამისად, მისთვის აღარ არის მოულოდნელი, თუ რა შეფასებას მიიღებს. შეფასების სანდობა უზრუნველყოფს მკაფიოდ ჩამოყალიბებულ საკითხებსა და დავალებების ინსტრუქციებს.

რაც შეეხება კონკრეტულად შემაჯამებელი სამუშაოს, დავალება უნდა იყოს ვალიდური და სანდო. სწორედ იმ ცოდნას უნდა ზომავდეს, რის გაზომვასაც ეს კონკრეტული სამუშაო ისახავს მიზნად. ასევე უნდა იყოს გაზომვადი. შედეგები უნდა ფასდებოდეს წინასწარ შემუშავებული პასუხებით ან შეფასების სქემით. წინასწარ უნდა იყოს დადგენილი ქულების რაოდენობა სწორი პასუხისთვის; შეფასების მექანიზმი უნდა იყოს მკაფიო და ცალსახა; იგი ორმაგი ინტერპრეტაციის საშუალებას არ უნდა იძლეოდეს.

1. მოსწავლის შეფასების მიზანია სწავლა-სწავლების ხარისხის მართვა, რაც გულისხმობს, ერთი მხრივ, სწავლის ხარისხის გაუმჯობესებაზე ზრუნვას და, მეორე მხრივ, სწავლა-სწავლების ხარისხის მონიტორინგს. მოსწავლის შეფასება არის სწავლა-სწავლების განუყოფელი ნაწილი. თანამიმდევრული საგანმანათლებლო პროცესის უზრუნველსაყოფად, მოსწავლის შეფასება უნდა დაეფუძნოს სწავლის კონსტრუქტივისტულ პრინციპებს. მოსწავლის შეფასების ძირითად ამოცანებს წარმოადგენს: ა) აჩვენოს როგორ მიმდინარეობს მოსწავლის ცოდნის კონსტრუირების პროცესი და მეხსიერებაში ცოდნათა ურთიერთდაკავშირება; ბ) ახალი სასწავლო საკითხის/თემის დაწყებამდე დაადგინოს მოსწავლის წინარე ცოდნა და წარმოდგენები; გ) გამოავლინოს, რამდენად ახერხებს მოსწავლე საკუთარი ძლიერი და სუსტი მხარეების დამოუკიდებლად შეფასებას, ასევე რამდენად გააზრებულ და ეფექტიან ნაბიჯებს ღვამს იგი საკუთარი წინსვლის ხელშესაწყობად; დ) მოიცვას სამივე კატეგორიის ცოდნა; ე) აჩვენოს, რამდენად ახერხებს

მოსწავლე ცოდნის ერთობლიობათა ფუნქციურად გამოყენებას შინაარსიან კონტექსტებში. ძირითადი ამოცანების გადასაჭრელად მოსწავლის შეფასებაში პრიორიტეტი მიენიჭება კომპლექსურ, კონტექსტის მქონე დავალებებს, რომელთა შესრულება მოსწავლეს უბიძგებს ცოდნის სხვადასხვა კომპონენტის ინტერაქტიულად და თანადროულად გამოყენებისკენ. მოსწავლე წინასწარ არის ინფორმირებული თუ რა კრიტერიუმებით ფასდება მისი სასწავლო აქტივობა.

მოგეხსენებათ, რომ ეროვნული სასწავლო გეგმის მიხედვით არსებობს შეფასების ორი უმნიშვნელოვანესი ტიპი, რომელიც სწავლა-სწავლების განუყოფელ სისტემურ ნაწილს წარმოადგენს – განმავითარებელი და განმსაზღვრელი შეფასება. მნიშვნელოვნად მიმაჩნია იმის ცოდნა, თუ როდის და რა კონკრეტული მიზნისათვის უნდა გამოვიყენო შეფასების ეს ფორმები.

1. „ განმსაზღვრელი შეფასება აკონტროლებს სწავლის ხარისხს, ადგენს მოსწავლის მიღწევის დონეს ეროვნული სასწავლო გეგმით განსაზღვრულ მიზნებთან მიმართებაში. განმსაზღვრელ შეფასებაში იწერება ქულა.
2. განმავითარებელი შეფასება აკონტროლებს თითოეული მოსწავლის განვითარების დინამიკას და ხელს უწყობს სწავლის ხარისხის გაუმჯობესებას. განმავითარებელი შეფასებისას გამოიყენება ისეთი საშუალებები, როგორიცაა სიგყვიერი კომენტარი, რჩევა-დარიგება, დაკვირვების ფურცელი, თვითშეფასებისა და ურთიერთშეფასების სქემა და სხვა“.

განმსაზღვრელი და განმავითარებელი შეფასების არწერილობა:

	განმსაზღვრელი	განმავითარებელი
მიზნები	სწავლის ხარისხის გაუმჯობესება; მოსწავლის წინსვლისა და განვითარების ხელშეწყობა	მოსწავლის აკადემიური მიღწევის დონის დადგენა საგნობრივი სასწავლო გეგმის შედეგებთან მიმართებაში.

ამოცანები	ცოდნის კონსტრუირებისა და ცოდნათა ურთიერთდაკავშირების პროცესის შეფასება: წინარე ცოდნის/წარმოდგენების დადგენა: მოსწავლის მიერ თავისივე ძლიერი და სუსტი მხარეების დადგენის უნარის შეფასება: მოსწავლის მიერ საკუთარი წინსვლის ხელშესაწყობად გააზრებული ნაბიჯების გადადგმის უნარის შეფასება: ცოდნის სამივე კატეგორიის ათვისების პროცესის შეფასება: ცოდნის ერთობლიობათა ფუნქციურად გამოყენების უნარის შეფასება:	ცოდნათა ურთიერთდაკავშირების უნარის შეფასება: ცოდნის სამივე კატეგორიის გამოყენების უნარის შეფასება: ცოდნის ერთობლიობათა ფუნქციურად გამოყენების უნარის შეფასება:
წარმარების კრიტერიუმი	განხორციელებული წინსვლა წინარე შედეგებთან / წინარე ღონესთან შედარებით.	მიღწევის ღონე საგნობრივი სასწავლო გეგმის მოთხოვნებთან შედარებით
შემფასებელი და შეფასების ფორმები	მასწავლებელი: გეპირსიყვეიერი ან წერილობითი უკუკავშირი, წამახალისებელი მითითებები, სიმბოლური ნიშნები და ა.შ... მოსწავლეები: თვითშეფასებით: ურთიერთშეფასებით.	მასწავლებელი: ქულა (შეიძლება ახლდეს კომენტარი ძლიერი და სუსტი მხარეების აღწერით, ხარვეზების გამოსასწორებელი მითითებებით).

მოსწავლის შეფასების კომპონენტები

1. სემესტრის განმავლობაში მოსწავლეები ფასდებიან შემდეგი სამი კომპონენტის მიხედვით:

- ა) მიმდინარე საშინაო დავალება;
- ბ) მიმდინარე საკლასო დავალება;
- გ) შემაჯამებელი დავალება.

2. მასწავლებელს შეუძლია სემესტრის განმავლობაში განმავითარებელი შეფასება გამოიყენოს ნებისმიერ კომპონენტში.

მიმდინარე შეფასება

მიმდინარე შეფასება წარმოადგენს სასწავლო პროცესში ინფორმაციის დაზუსტებას იმის შესახებ, თუ რა იციან მოსწავლეებმა, რათა შემდგომი ეტაპი ცოდნისა დააშენონ არსებულს.

2.2 შემაჯამებელი (განმავითარებელი და განმსაზღვრელი) შეფასება

ახალი ეროვნულისასწავლო გეგმის მიხედვით შემაჯამებელი შეფასებისთვის გამოიყენება კომპლექსური, კონტექსტის მქონე დავალებები, რომელთა შესრულება მოითხოვს სტანდარტით განსაზღვრული ცოდნისა და უნარების ინტეგრირებულად და ფუნქციურად გამოყენებას. ამ დავალებათა შესაფასებლად გამოიყენება შეფასების რუბრიკები, ანუ კრიტერიუმების ბაღე.

მოსწავლეს თითოეული სასწავლო თემის დამუშავების შემდეგ ევალება შემაჯამებელი დავალების წარმოდგენა. შემაჯამებელი დავალებების მინიმალური რაოდენობა წლის განმავლობაში სავალდებულო სასწავლო თემების რაოდენობას ემთხვევა. იმისათვის, რომ სტანდარტით გათვალისწინებული მოთხოვნები დავაკმაყოფილოთ, ვიყენებთ შემაჯამებელი დავალების სხვადასხვა ფორმას, თითოეული მოსწავლე ვალდებულია, შეასრულოს ყველა შემაჯამებელი დავალება

ე. ი. შემაჯამებელი სამუშაოები მოსწავლის შეფასების და მისი გაკვეთილზე მიღებული ცოდნის გამოვლენის ერთერთი მეთოდია, რომელიც გათვალისწინებულია ეროვნული სასწავლო გეგმით. შემაჯამებელი დავალების კომპონენტები უკავშირდება სწავლა-სწავლების შედეგს. სწორედ ამ კომპონენტებით მოწმდება და ფასდება ერთი სასწავლო მონაკვეთის (თემა, თავი, საკითხი) შესწავლის შედეგად მიღწეული შედეგები. შემაჯამებელი დავალებები უნდა ამოწმებდეს გეოგრაფიის სტანდარტით განსაზღვრულ შედეგებს. სტანდარტის მოთხოვნათა შესასრულებლად რეკომენდირებულია შემაჯამებელ დავალებათა სხვადასხვა ფორმების გამოყენება.

ტიპობრივი დავალებები შემაჯამებელი შეფასებისათვის

ქვემოთ შემოთავაზებულია გიპობრივ დავალებათა ფართო არჩევანი. შემაჯამებელი შეფასებისათვის მასწავლებელი და/ან მოსწავლე შეარჩევს დავალების სასურველ გიპს/გიპებს:

მოსწავლეზე და/ან მასწავლებელზე დამოკიდებული, თუ რომელ დავალებას/დავალებებს შეარჩევს.

- პროექტი სხვადასხვა გეოგრაფიულ ინფორმაციის წყაროებზე დაყრდნობით გრაფიკების, ცხრილების, დიაგრამების შექმნა.
- ესე
- კითხვა-პასუხი, ტესტირება
- პრეზენტაცია
- რეფერატი
- კვლევა
- დისკუსია/დებატები
- კონფერენცია

მოთხოვნები, რომლებსაც უნდა აკმაყოფილებდეს შემაჯამებელი განმსაზღვრელი შეფასებისათვის განკუთვნილი დავალება

- დავალების თითოეულ გიპს უნდა ახლდეს თავისი შეფასების ზოგადი რუბრიკა;
- ზოგადი რუბრიკა უნდა დაზუსტდეს კონკრეტული დავალების პირობისა და განვლილი მასალის გათვალისწინებით;
- 10 ქულა უნდა გადახაწილდეს რუბრიკაში შემავალ კრიტერიუმებზე.

შეფასების ყველა ამ მეთოდს საერთო მიზანი აქვს – მათი საშუალებით გროვდება ინფორმაცია მოსწავლეების წარმატებებისა და მათი პრობლემების შესახებ და აქედან გამომდინარე, იგეგმება სწავლების შემდგომი ეტაპი. მეორე მხრივ განსხვავებულია ცალკეული შეფასების მეთოდის როგორც ფორმა ისე მნიშვნელობა და კონკრეტული მიზანი.

გეოგრაფიაში მასწავლებლები თვითონ ადგენენ ტესტებს. არჩევენ დავალების გიპს თემის სირთულის მიხედვით. შესაძლებელია შემაჯამებელი სამუშაო იყოს კომბინირებული, სხვადასხვა დავალებების გიპებისგან შემდგარი. ასეთი შემაჯამებელი ყოველთვის მრავალფეროვანია და სხვადასხვა უნარჩვევებს ამოწმებს. რაც სრულყოფილად აკმაყოფილებს ესგ-ის მოთხოვნებს.

შეფასების რუბრიკის შედგენისას მასწავლებელმა უნდა გაითვალისწინოს რამდენიმე მნიშვნელოვანი პუნქტი:

1. შემაჯამებელმა დავალებამ უნდა შეაფასოს ის, რაც მოსწავლეებმა კონკრეტული თემის გავლის შედეგად ისწავლეს;
2. შეფასების კრიტერიუმები წინასწარ ცნობილი უნდა იყოს მოსწავლეთათვის;
3. შეფასების კრიტერიუმები უნდა იყოს ნათელი და არ იძლეოდეს ინტერპრეტირების საშუალებას;

4. შეფასების რუბრიკაში გათვალისწინებული უნდა იყოს სტანდარტის ის შედეგები, რომლის ათვისებასაც ემსახურებოდა გავლილი თემა;

5. შეფასების კრიტერიუმებს შორის ქულები გადანაწილებული უნდა იყოს გონივრულად;

6. მრავალ დონიანი შეფასების რუბრიკის გამოყენებისას მასწავლებელმა უნდა გაითვალისწინოს მოსალოდნელი რისკები და შესაძლო შედეგები. მოსწრების საერთო შეფასება ღია უნდა იყოს. მოსწავლეები მუშაობის დაწყებამდე უნდა ხედავდნენ შესაფასებელ ამოცანებს და ქულების გამოთვლის პრინციპებს. ისინი უკეთ იქნებიან სწავლაზე კონცენტრირებული, თუ ეცოდინებათ, რის წინაშე დგანან და რას უნდა ელოდნენ. მაგალითად, მრავალქულიან ტესტებზე მუშაობის დაწყების წინ მოსწავლეებმა უნდა განიხილონ ქულების გამოთვლის სისტემა თითოეული ამოცანისათვის, რაც გარკვეულწილად დაეხმარებათ იმის დადგენაში, თუ რას ელის მასწავლებელი მათგან. ეს მათ მუშაობის დაწყებამდეც აძლევს უკუკავშირს და ეხმარება ობიექტური თვითშეფასების ჩამოყალიბებაში.

თავი 3

3.1 კვლევის მეთოდების განხილვა

ჩემი საკვლევი თემაა, თუ როგორ შეიძლება გავაუმჯობესოთ შემაჯამებელ ღვაწლებში აკადემიური მიღწევები გამოვიყენე კვლევის მეთოდი – ანკეტირება (წერილობითი გამოკითხვა); დაკვირვება; ინტერვიუ

კვლევის მეთოდოლოგია. დაკვირვება ინფორმაციის შეგროვების მეთოდია, რომლის დროსაც მკვლევარი აკვირდება მოქმედებას. იგი ყველაზე უფრო ხელმისაწვდომია და გავრცელებულია პედაგოგიურ პრაქტიკაში.

დაკვირვება ერთ-ერთ უმნიშვნელოვანეს თვისობრივ მეთოდს წარმოადგენს, რომლის უმთავრესი ღირსება ისაა, რომ ის ბუნებრივ გარემოში ხორციელდება. ითვლება, რომ დაკვირვების ყველაზე მიზანშეწონილი ობიექტია ყოველდღიური საქმიანობა, რომელიც მნიშვნელოვანი ცვლილებების გარეშე მეორდება დღიდან დღემდე. ეს შეიძლება იყოს სასწავლო პროცესი სკოლაში, ურთიერთობა თანამშრომლებს შორის სამუშაო საათებში და სხვა. დაკვირვება არის ჩართული ან უბრალო. ჩვენ აღნიშნული კვლევისას გამოვიყენეთ ჩართული დაკვირვება. დაკვირვება ძირითადად გამოიყენება კვლევის სწავის ეტაპზე, სხვა მეთოდებთან ერთად.

პირველ ეტაპზე განხორციელდა **კვლევა 1** აღნიშნული სკოლის პედაგოგებთან. კვლევის ტიპი ანკეტირება. კოლეგებს, რომლებსაც უხდებოდათ საგაკვეთილო ურთიერთობა მეშვიდე კლასთან, ვკითხე აზრი მათი პედაგოგიური პრაქტიკიდან გამომდინარე, რა შედეგს ავლენდნენ შემაჯამებელი დავალების შესრულების დროს შემოთხსენებული კლასი. რამდენად რთულ დავალებებს იყენებენ თემის შეჯამებისას და რა მოსამზადებელ ეტაპებს გადიან შემაჯამებელის დაწერამდე.

რამდენად ეფექტურად თვლიან ისტ-ის და სხვა ელექტრონული რესურსების გამოყენებას სასწავლო პროცესში. უწყობს თუ არა ხელს საგაკვეთილო პროცესის ასეთი დაგვირგთვა მოსწავლეთა მოტივაციის ზრდას და ახალი ინფორმაციის განმტკიცება გააზრებას მოსწავლეებში?

კვლევის შედეგების ობიექტური და მაქსიმალურად ზუსტი ინფორმაციის მისაღებად ჩავატარე რამოდენიმე სხვადასხვა ტიპის კვლევა. რისი მეშვეობითაც ვიკვლიე უშუალოდ სამიმნე ჯგუფის დამოკიდებულება. პედაგოგთა მიდგომები საკვლევი საკითხის მიმართ.

ანკეტისთვის დახურულ კითხვებთან ერთად ღია კითხვებიც შევარჩიე, მონაცემთა ანალიზის საფუძველზე გამოიკვეთა ზოგადი პრობლემა, რომ მოსწავლეების მოტივაცია მაღალია, ასევე ჩართულობა მიმდინარე სასწავლო პროცესში აქტიურია, თუმცა დაკვირვების შედეგად გამოჩნდა, რომ მათ აქვთ ყურადღების დეფიციტი. მარტივად აღიქვავენ ახალ მასალას, თუმცა ზედაპირულად. ვერ ახერხებენ მიღებული ინფორმაციის ხანგრძლივად დამახსოვრებას. ეს კი დაკავშირებულია იმ ფაქტთან რომ, არცთუ ისე ხშირად ვიყენებ სწავლების სხვადასხვა ინტერაქტიულ სტრატეგიებს და ამასთანავე ტექნოლოგიებს. შემოთხსენებული ინფორმაციაზე დაყრდნობით შევიტყუავე მეთოდები (დიფერენცირებული სწავლება, ილუსტრაციების აქტიურად გამოყენება, ისტ-ის გამოყენება learningapps.org პროგრამის საშუალებით), რომელიც დამესმარება მოსწავლეთა გაკვეთილზე ჩართულობის გაზრდაში და ახალი ინფორმაციის განმტკიცება გააზრებაში. დავგეგმე ინტერვენციები.

ინტერვენციის ეტაპზე სხვადასხვა ტიპის შემაჯამებელი ღვაწლების გამოყენება, ასევე წინა მოსამზადებელი პერიოდში ისტ-ის აქტიური ჩართულობა, ილუსტრაციების აქტიური გამოყენება სხვადასხვა საკითხებთან, მიმართებაში დამეხმარა მოსწავლეთა შედეგების გაუმჯობესებაში. თითოეული აქტივობა და შემაჯამებელი ღვაწლების ტიპი პასუხობს ეროვნული სასწავლო გეგმით გათვალისწინებულ მიზნებს.

დასკვნა: ვფიქრობ, რომ სწავლებისა და სწავლის ხარისხის გაუმჯობესების მიზნით აუცილებელია ისტ-ის აქტიური ჩართულობა საგაკვეთილო პროცესში, ელექტრონული რესურსების და ვიზუალური თვალსაჩინოების აქტიური გამოყენება საკითხიდან გამომდინარე. ასევე საჭიროა მშობელთა აქტიური ჩართულობა. განხორციელებული კვლევის საფუძველზე მივიღე შედეგი, ამადლდა მოსწავლეთა აკადემიური მოსწრება შემაჯამებელ წერებში.

კვლევის მეორე ეტაპზე განხორციელდა ანკეტირება მოსწავლეებთან, სადაც მოსწავლეები თავად აფასებენ საკუთარ შედეგებს.

3.2 ჩარევის (ინტერვენციის) დაგეგმვა

გაანალიზებულ შედეგებზე დაყრდნობით დაიგეგმა შემდეგი ინტერვენციები:

საკუთარმა პრაქტიკამ მიჩვენა, რომ მეშვიდე კლასში შემაჯამებელ ღვაწლებში აკადემიური მოსწრების მხრივ ყოველთვის (7 წელი)

არასახარბიელო მდგომარეობა იყო. გადაწყვიტე ჩამეგარებინა ანკეტირება კოლეგებთან, გამეგო მათი პოზიცია არსებულ ვითარებასგან მიმართებაში და გამერკვია მიზეზი.

- ❖ კოლეგების გამოკითხვა (ინტერვიუ) და ანკეტირება. ჩაგარდა ინტერვიუ და შეავსეს კითხვარები იმ კოლეგებმა, რომლებსაც მუშაობა უხდებათ მეშვიდე კლასში. მათ სიამოვნებით მიიღეს მონაწილეობა გამოკითხვაში.
- ❖ მონაცემთა ანალიზი. ანკეტირებისა და ინტერვიუს შემდეგ გაკეთდა მონაცემთა ანალიზი.
- ❖ მონაცემთა ანალიზის შემდეგ I შემაჯამებელი სამუშაოს დაგეგმვა და მოსწავლეთა მომზადება შემაჯამებელი ღვაწლების საკითხებში.
 - ❖ I ინტერვენციის განხორციელება. ისტ-ის აქტიური ჩართვა, კერძოდ ელექტრონული სასწავლო რესურსების (<https://learningapps.org>) და ვიზუალური მასალის აქტიური ჩართულობა წინა მოსამზადებელ პერიოდში.
 - ❖ I შემაჯამებელის ჩატარება.
 - ❖ მონაცემთა ანალიზი. (შემაჯამებელის შემდეგ გაკეთდა მონაცემთა ანალიზი. გამოიკეთა შედეგი).

- ❖ მოსწავლეთა პირველი ანკეტირების დაგეგმვა და ჩატარება. (დავგეგმე ანკეტირების ვადა და ჩავატარე. მოსწავლეებმა შეავსეს ანკეტა 1.)
 - ❖ მონაცემთა ანალიზი. ანკეტირებისა შემდეგ გაკეთდა მონაცემთა ანალიზი.
 - ❖ II ინტერვენციის განხორციელება_ მშობლებთან კონტაქტი, მშობელთა აქტიური ჩართულობა წინა მოსამზადებელ პერიოდში.
 - ❖ II შემაჯამებელის ჩატარება.
 - ❖ მონაცემთა ანალიზი. (შემაჯამებელის შემდეგ გაკეთდა მონაცემთა ანალიზი. გამოიკეთა შედეგი).
- ❖ მოსწავლეთა ანკეტირება (მოსწავლეებმა შეავსეს ანკეტა 2.) . ჩატარდა ანკეტირება დამამთავრებელ ეტაპზე კვლევის ფარგლებში დაგეგმილი ინტერვენციების შეფასების მიზნით.

3.3 ინტერვენციის შედეგები და მონაცემთა ანალიზი

პირველ ეტაპზე ჩვენს მიერ ჩატარებულ კვლევაში

მონაწილეობა მიიღო 7_მა პედაგოგმა. უმრავლესობამ აღნიშნა, რომ იყენებს შერეული ტიპის ტესტებს, რომელიც შედგება როგორც ლია , ასევე დახურული შეკითხვებისგან.

შემაჯამებელი აერთიანებს 10-12 საკითხს და შემოიფარგლება 10 შეკითხვით. მცირე ღონით საბუნებისმეტყველო დარგები ავლენენ მაღალ სააზროვნო უნარებს. თითოეული პედაგოგი შემაჯამებელის წერამდე აწვდის ვადებს მოსწავლეებს და აცნობს მსგავსი ტიპის დავალებებს. ასევე აწვდიან ინსტრუქციებს . შემაჯამებელი დავალებების რეგისტრული ქულა შეადგენს საბუნებისმეტყველო საგნებში 3, 5, 7, 8 ქულას, თუმცა აღნიშნავენ რომ არ არიან კმაყოფილნი მიღებული შედეგებით. მოსწავლეთა უმრავლესობა სხვა საგნებშიც დაბალ შედეგს ავლენს (6_7 ქულა). საბუნებისმეტყველო საგნები ამის მიზეზად კვირეული დატვირთვის სიმცირეს ასახელებს, რომ თითოეული საგანი ერთი საათი ისწავლება და მოსწავლეები ვერ აანალიზებენ კვირიდან_კვირამდე ახსნილ საკითხებს. კოლეგები აღნიშნავენ, რომ მოსწავლეებში ამართლებს ჯგუფური მუშაობის პრინციპი. რეკომენდაციის სახით მირჩევენ რომ მოგივაციის ბრდის მიზნით მოსწავლეები თავად ჩავრთოთ თვალსაჩინოების შექმნის პროცესში, ასევე გამოვიყენო ინტერნეტ რესურსები, ინფორმაციის უკეთ გააზრების მიზნით.

კოლეგების რეკომენდაციების გათვალისწინებით და ინფორმაციის ანალიზის საფუძველზე შევიმუშავე ინტერვენცია:

პირველი შემაჯამებლის მოსამზადებელ ეტაპზე საგაკვეთილო პროცესში ჩაერთე ისტ-ი აქტიურად და საგაკვეთილო პროცესი დაგვეერთე თვალსაჩინოებებით. შესაბამისად წინა წლებთან შედარებით უკეთესი შედეგი მივიღე. ვფიქრობ ეს განაპირობა, ასევე არჩევითობლიანი ტესტური დავალებების რაოდენობამ.

ინტერვენციის განხორციელებამ დადებითი შედეგები გამოიღო მთელი კლასისათვის. დაკვირვებამ აჩვენა, რომ მიმდინარე შეფასებისას აკადემიურად დაბალი შედეგის მქონე მოსწავლეებმა შემაჯამებელ სამუშაოებში შედეგები გააუმჯობესეს.


ანკეტის შევსების შემდეგ ვნახე, რომ მოსწავლეთა უმრავლესობამ იგრძნო, რომ დავალების მრავალფეროვნებამ, კერძოდ ღიაგრამებზე მუშაობამ შემაჯამებლის შედეგებზე დადებითად იმოქმედა. ეს უკანასკნელი გაიზომა შემაჯამებელი სამუშაოების შედეგებით.

სემესტრის განმავლობაში ჩავატარე ორი შემაჯამებელი სამუშაო. პირველი შემაჯამებელი დაწერა 19 -მა მოსწავლემ, ხოლო მეორე შემაჯამებელი 20 -მა მოსწავლემ(ერთი მოსწავლე დაგვემატა ნოემბრიდან)

წინა მოსამზადებელ ეტაპზე დავეგეგმე შემდეგი ინტერვენცია: საგაკვეთილო პროცესში ელექტრონული რესურსების აქტიური გამოყენება ვებ გვერდის_ <https://learningapps.org> _ ის საშუალებით.
<https://learningapps.org/myapps.php?displayfolder=1400151>


პირველი შემაჯამებელის დაწერის შემდეგ ვაწარმოე ანკეტირება მოსწავლეებთან. ანკეტა შეავსო 19- მა მოსწავლემ. ანკეტირების ანალიზი ასეთია:

1. შემაჯამებელი დავალების რომელი ტიპია თქვენთვის საინტერესო და მოსაზერხებელი?




2. გამოგადგა თუ არა ელექტორული
რესურსები შემაჯამებელი დავალების წერის
დროს?

■ დიაზ ■ არა



3. რომელი ფაქტორი გიშლით ხელს შემაჯამებელ დავალებებში უკეთესი შედეგის მიღწევაში?

- დავალების სირთულე
- არასაკმარისი დრო დავალების შესასრულებლად
- ორივე ფაქტორი



როგორც ანკეტირების შედეგად გამოვლინდა, მოსწავლეთა უმრავლესობისათვის პრობლემას წარმოადგენს ღია დავალებები და ცხრილებზე მუშაობა, შემაჯამებლის სასურველ ფორმად კი დახურულ კითხვებზე პასუხს თვლიან;

რეკომენდაციები:

ამ გამოკითხვის შედეგად რეკომენდირებულია აღნიშნულ კლასში გამოყენებული იქნეს ელექტრონული რესურსები, რადგან გაიზარდოს მოსწავლის მოტივაცია აღნიშნული საგნის მიმართ. განუვითარდეთ მათ ინფორმაციის გააზრების, დახარისხების და ხანგრძლივად დამახსოვრების უნარ-ჩვევები. საჭიროების შემთხვევაში მოახდინონ ინფორმაციის გრანსფერი.


დასკვნა: მოსწავლეთა გამოკითხვის შედეგად გამოვლიდა, რომ ელექტრონული რესურსების გამოყენება სასწავლო პროცესში ხელს შეუწყობს მოსწავლეთა მოტივაციის ზრდას შესასწავლის განმტკიცებას. მოსწავლეები თვლიან, რომ ვიზუალური მასალა დაეხმარება მათ საკითხის უკეთ ათვისებაში, რაც თავის მხრივ სასწავლო პროცესს უფრო საინტერესოს და მრავალფეროვანს ხდის. ასევე ეს მეთოდი მათ დაეხმარებათ ხანგრძლივად დარჩეთ მკვიდრი წარმოდგენა საკითხის შესახებ. ვიზუალური და ელექტრონული მასალის საშუალებით მოსწავლეები განივითარებენ არამარტო პროცედურულ, არამედ პირობისეულ უნარ-ჩვევებს.


პირველი ანკეტირების შედეგად მიღებული ინფორმაციის ანალიზის საფუძველზე შევიმუშავე შემდეგი ინტერვენცია. სასწავლო პროცესში ჩავრთე მშობლები. გავაცანი ზოგადი ინფორმაცია და წინასწარ გავეგზავნე შემაჯამებელი საკითხების ჩამონათვალი. კონტროლის და ზედამხედველობის შედეგად, ორივე მხარის ძალისხმევით შედეგი კიდევ უფრო გაუმჯობესდა მეორე შემაჯამებელი დაგეგმვის შესრულებისას.

მე-2-ე შემაჯამებელი იყო კომბინირებული, მოიცავდა როგორც ღია შეკითხვებს, ტესტებს, ასევე მარტივი გრაფიკების აგებას და გამოთვლების წარმოებას, რომელსაც მოსწავლეები ხალისით ასრულებდნენ. შესაბამისად, შესანიშნავად გაართვეს თავი. ჩემი აზრით ეს განაპირობა იმან, რომ მოსწავლეებმა კარგად აითვისეს აგმოსფეროს და კლიმაგის თემასთან დაკავშირებული საკითხები, გამოუმუშავდათ ღიაგრამებზე და სქემებზე მუშაობის უნარ-ჩვევები.

შემაჯამებელი წერების მონაცემთა ანალიზი

მიღებული ქულა	შემაჯამებელი საბუშარი	
	I	II
	მოცემულ ქულათა რაოდენობა	მოცემულ ქულათა რაოდენობა
3_4	0	0
5_6	0	0
7_8	5	2
9_10	14	18






მეორე შემაჯამებლის დაწერის შემდეგ გაწარმოე ანკეტირება მოსწავლეებთან. ანკეტა შეავსო 20- მა მოსწავლემ. ანკეტირების ანალიზი ასეთია:

1. გაუმჯობესდა შენი შედეგი ახალი ტიპის შემაჯამებელის წერის დროს? ?

■ დიაზ ■ არა



მეორე შეკითხვა იყო ღია, სადაც მოსწავლეთა უმრავლესობამ(10) დააფიქსირა, რომ უკეთესი შედეგის მიღწევაში დაეხმარა ის, რომ კარგად იყო მომზადებული შემაჯამებელი დავალებისთვის, ნაწილი (6) კი თვლის რომ ვიზუალური მასალა დაეხმარა უკეთესი შედეგის მიღწევაში, ნაწილის(4) აზრით კი მშობელთა აქტიურმა ძალისხმევამ და კონკროლმა განაპირობა შედეგის გაუმჯობესება.

3.4 პრაქტიკული კვლევის არსი და სკოლაში მისი დანერგვა

მასწავლებლის პროფესიული სტანდარტის მოთხოვნაა მასწავლებლებში პრაქტიკული კვლევის კომპეტენციის უნარის ფლობა მასწავლებელი კოლეგებთან ერთად გეგმავს საპედაგოგიურ კვლევით სამუშაოებს , ახორციელებს მათ და იყენებს პრაქტიკულ საქმიანობაში (პროფესიული განვითარება , მუხლი 133,)

1)შეუძლია საკვლევი საკითხის დამოუკიდებლად განსაზღვრა, კვლევის ჩატარება, მონაცემთა დამუშავება-ინტერპრეტაცია, კვლევის შედეგების გამოყენება ,საკუთარი და კოლეგების პრაქტიკის გასაუმჯობესებლად.(პროფესიული განვითარება მუხლი 139)

2) სწორედ ამიტომ “მასწავლებლის საქმიანობის დაწყების პროფესიული განვითარებისა და კარიერული წინსვლის სქემის “ მიხედვით წამყვანი მასწავლებლის სტატუსის მოსაპოვებლად ერთ ერთი სავალდებულო აქტივობაა საკუთარ პედაგოგიურ პრაქტიკაში იდენტიფიცირებული საჭიროებების ანალიზის საფუძველზე პრაქტიკული კვლევის განხორციელება , ხოლო მენტორის სტატუსის მოსაპოვებლად პრაქტიკული კვლევის განხორციელება სკოლის საჭიროებიდან გამომდინარე. კვლევა არის ახალი ცოდნის ძიება , მისი სისტემატური დოკუმენტირებაა გაფორმება კვლევის ანგარიშის ,სტატიის , პროექტის და სხვა სახით. 15 პედაგოგიური პრაქტიკის კვლევა მიეკუთვნება გამოყენებით კვლევათა რიცხვს .

ეს არის პროფესიული სიტუაციების სისტემური კვლევა ,ჩატარებული მასწავლებელთა მიერ საკუთარი პროფესიონალიზმის დახვეწის , სასწავლო პროცესის და მოსწავლეთა შედეგების გაუმჯობესების მიზნით. პროფესიონალია მასწავლებელი , რომელსაც შეუძლია პედაგოგიური საქმიანობის დროს წამოჭრილი პრობლემების იდენტიფიცირება, მისი გადაჭრის გზების ძიება, პოვნა, ახალი იდეების , სტრატეგიების პედაგოგიურ პრაქტიკაში დანერგვა. პედაგოგიური პრაქტიკის კვლევა მარტო წამოჭრილი სიძნელების დროს კი არ არის საჭირო , არამედ ახალი იდეების , ინოვაციების გამოსაცდელად.

ამრიგად , პედაგოგიური პრაქტიკის კვლევა არის პედაგოგების , ღირექტორების მიერ ჩატარებული ნებისმიერი სახის მეთოდური გამოკვლევა კონკრეტული მასწავლებლის , სკოლის საქმიანობის , სწავლა სწავლების და მოსწავლეთა აკადემიური მიღწევების შესახებ ინფორმაციის შეგროვების და გაუმჯობესების მიზნით. პრაქტიკის კვლევის განმახორციელებელმა პირებმა უნდა გააცნობიერონ, რომ კვლევაში ჩართვა მასწავლებელთა პროფესიული განვითარების საუკეთესო საშუალებაა, პროფესიულად მზარდი მასწავლებელი მუდმივად განაახლებს საკუთარ პედაგოგიურ პრაქტიკას, რაც სკოლაში სწავლა-სწავლების ხარისხის ამაღლებისა და მოსწავლეთა მოსწრების გაუმჯობესების აუცილებელი პირობაა.

ჩემ მიერ განხორციელებული კვლევა და კვლევის შედეგების გაზიარება დაეხმარება კოლეგებს თვითონ წარმართონ პედაგოგიური კვლევა, პედაგოგიური პრაქტიკის გაუმჯობესების მიზნით. აღმინისტრაციას საშუალებას მისცემს კვლევის შედეგების გაცნობით დააკვირდნენ მოსწავლეთა სწავლა-სწავლების პროცესს.

თავი 4

პროექტის ვადები, მიგნებები , რეკომენდაციები, დასკვნა ,ბიბლიოგრაფია.

4.1 კვლევის ვადები

აქტივობა	სექტემბერი	ოქტომბერი	ნოემბერი	დეკემბერი
პრობლემის იდენტიფიცირება	X			
კვლევის საგარაუდო გეგმის შემუშავება	X			
შემაჯამებელი სამუშაოს გრაფიკის შედგენა	X			
შემაჯამებელი სამუშაოს წარმოება			X	X
პირველი შემაჯამებელი სამუშაოს ანალიზის წარმოება			X	
კითხვარის შედგენა, დამუშავება	X	X		
გამოკითხვა/ინტერვიუ/შეფასება	X	X		
მიღებული შედეგების ანალიზი		X	X	
ინტერვენციის განხორციელება		X	X	
მოსწავლეთა ანკეტირება			X	X
მოსწავლეთა ანკეტირების შედეგების ანალიზი			X	X
განხორციელებული ინტერვენციების შედეგების ანალიზი		X	X	X
პრეზენტაცია სასაკოლო საზოგადოებასთან, შედეგების გაცნობა				X

მონაცემთა ანალიზისას გამოიკვეთა რამდენიმე მნიშვნელოვანი მიგნება:

1. მოსწავლეთა უმრავლესობას უჭირს არგუმენტირებული მსჯელობა და ღია დავალებების შესრულება;
2. მოსწავლეთათვის პრობლემაა სივრცეში ორიენტირება
3. თეორიული მასალის პრაქტიკული აღქმა.
4. მოსწავლეებს უჭირთ საკუთარი ძლიერი და სუსტი მხარეების რეალურად შეფასება;

5.შემაჯამებელი ღაფალებების მრავალფეროვანი ფორმები მოსწავლეთა შესაძლებლობების მაქსიმალურად გამოვლენის საშუალებას იძლევა;

6.მოსწავლეთა განსაკუთრებული მოტივაცია გამოვლინდა დიაგრამებზე და ცხრილებზე მუშაობისას, შედეგად ყველაზე უკეთესი სწორედ ამგვარი ფორმით შესრულებულ შემაჯამებელ ღაფალებაში დაფიქსირდა;

რეკომენდაციები შემდეგნაირად ჩამოყალიბდა:

1.მასწავლებელმა ყურადღება მეტად უნდა გაამახვილოს არგუმენტირებული მსჯელობის უნარის განვითარებაზე(აქტიურად გამოიყენოს კოგნიტური რუკები, თვალსაჩინოება და ვიზუალური მასალა);

2. მასწავლებელმა თეორიული მასალის პრაქტიკაში გამოყენების მიზნით ბევრი სავარჯიშოები გამოიყენოს.

3. გამოიყენოს ისეთი აქტივობები, რომელიც მაღალი სააზროვნო უნარების განვითარებას უზრუნველყოფს მოსწავლეებში

4. მიაწოდოს ეფექტური /ეფექტიანი და ღრეული უკუკავშირი.

5.შემაჯამებელი ღაფალებების მრავალფეროვანი ტიპების გამოყენება.

6. ელექტრონული რესურსების და ისტ-ის აქტიური გამოყენება.

ერთერთი რეკომენდაცია შეიძლება იყოს ის, რომ მოსწავლეებმა ხშირად მიიღონ მონაწილეობა მსგავს გამოკითხვებში რადგან საკუთარი აზრის ჩამოყალიბებას და კრიტიკულ აზროვნებას მიეჩვიონ.

რეკომენდაცია: მოსწავლეების ანკეტირების შედეგად გამოვლინდა, რომ ვიზუალური რესურსების გამოყენება საგაკვეთილო პროცესში მნიშვნელოვანია. ეს ზრდის მოსწავლეებში მოტივაციას და აქტიურ ჩართულობას . ამ პრინციპით მასალის ათვისება უფრო უმარტივდება მოსწავლეებს. უკვე ჩემს მიერ გამოყენებული რესურსები ხელს უწყობს ესგ -ს მიზნების მიღწევას და მოსწავლეებში ცოდნის გაღრმავებას. განსხვავებაც სწორედ ეს არის ტრადიციულ გაკვეთილსა და თანამედროვე ვიზუალური მასალის დატვირთულ გაკვეთილს შორის , სადაც მოსწავლე მეტად მოტივირებულია.

ვთვლი, რომ ჩემს მიერ ჩატარებული კვლევა ელექტრონული და ვიზუალური მეთოდების გამოყენებით, ასევე მშობლებთან აქტიური კომუნიკაციით, აღმოჩნდა მოსწავლეთათვის მოტივაცია, რათა აქტიურად

ჩართულიყვნენ საგაკვეთილო პროცესში და გაზრდილიყო მათი მიღწევები გეოგრაფიის გაკვეთილზე, რაც გამოვლინდა მათ მიერ შესრულებულ შემაჯამებელ დავალებებში.

4.2 დასკვნა:

კვლევაში გამოყენებული მეთოდის მიმართული იყო აკადემიური მოსწრების ამაღლებისაკენ მოსწავლეებში და ითვალისწინებდა მოსწავლეების შედეგების გაუმჯობესებას შემაჯამებელ სამუშაოებში. ამ მხრივ კვლევამ დადებითი შედეგები აჩვენა. განხორციელებული ქმედებებით შემაჯამებელ სამუშაოებში შედეგების ღონე ამაღლდა. შედეგებზე დაყრდნობით შევიშუშავე რეკომენდაციები, რომლებიც დამეხმარება სწავლა სწავლების პროცესის გაუმჯობესებაში.

საკუთარი პედაგოგიური პრაქტიკის კვლევის საფუძველზე(კვლევა მოიცავდა პრობლემის შესწავლის ,ცვლილების დაგეგმვა -განხორციელებისა და შეფასების ეტაპებს) შეიძლება დავასკვნათ,რომ მეშვიდე კლასში შემაჯამებელ დავალებებში დაბალი შედეგების მიზეზებია:

- მოსწავლეების ყურადღების დეფიციტი და ჰიპერაქტიურობა.
- საგნის სირთულე
- მოსწავლეთა არგუმენტირებული მსჯელობისა და ანალიზის უნარების დაბალი ხარისხი;
- ინფორმაციის გრანსფერის უნარის დეფიციტი.

აღნიშნული პრობლემების აღმოსაფხვრელად გადაიდგა გარკვეული ნაბიჯები. გატარებული ინტერვენციების შეფასებისას გამოვლინდა,რომ მათი უმრავლესობა შედეგიანი იყო.

მიმაჩნია რომ ,ცვლილებები უნდა განხორციელდეს სწავლების მეთოდებთან მიმართებაში სწავლება-სწავლის ხარისხის გაუმჯობესების მიზნით. უნდა შევძლოთ ხშირად ჩავატაროთ ის გ - ით გამდიდრებული გაკვეთილები. უნდა შეგვეძლოს 21 - ე საუკუნისთვის საჭირო უნარ-ჩვევები გამოვუქმავოთ ბავშვებს, რათა გახდნენ კონკურენტუნარიანები მსოფლიო გამოწვევების

წინაშე.მოახდინონ სხვადასხვა საკითხის ირგვლივ მკვიდრი წარმოდგენების გათავისება , სასისხლხორცება. საჭიროების შემთხვევაში მიღებული ინფორმაციის დახარისხება, გამოყენება

კვლევის შედეგების და თვითონ კვლევის გაზიარება კოლეგებთან დაეხმარება ჩემ კოლეგებს თვითონ წარმართონ მსგავსი კვლევები საკუთარი პედაგოგიური პრაქტიკის გაუმჯობესებისთვის, ასევე შეიმუშაონ საჭირო სტრატეგიები მოსწავლეთა შემაჯამებელ სამუშაოში შედეგების გაუმჯობესებისთვის.

4.3 ბიბლიოგრაფია

1. სწავლება და შეფასება- დამხმარე სახელმძღვანელო(II) მასწავლებელთა პროფესიული განვითარების ეროვნული ცენტრი 2008;
2. ეროვნული სასწავლო გეგმა 2011-2016 სასწავლო წელი
3. ეროვნული სასწავლო გეგმა 2018-2024 სასწავლო წელი
4. მანანა ბაქრაძე (თვისობრივი მეთოდები სოციალურ კვლევებში,2006)
5. (მასწავლებელთა პროფესიული განვითარების ცენტრი, გრენინგის მასალა)
6. სწავლება და შეფასება,საქართველოს განათლებისა და მეცნიერების სამინისტრო,2008;
<http://elibrary.emis.ge/ge/books/details/52>
7. მანანა ბოჭორიშვილი,შემაჯამებელი დავალების შედეგების ანალიზის პრაქტიკა,მასწავლებლის წიგნი,2017.
<http://mastsavlebeli.ge/?p=1789>
8. როგორ შევექმნათ შემაჯამებელი დავალება და შესაბამისი ანალიტიკური რუბრიკა,გიორგი ნოზაძე,2016.)
<http://mastsavlebeli.ge/?p=12442>
9. სწავლება და შეფასება. შეფასების მეთოდები <https://en.calameo.com/books/005033132b0d1ace8a0af>
10. ნათია კილაძის პორტფოლიო. შეფასების პოლიტიკა <http://natiakiladze.blogspot.com/p/blog-page-46.html>
11. რეკომენდაციები დირექტორებისა და მასწავლებლებისათვის მშობელთა ჩართულობა თბილისი 2015
http://kargiskola.ge/parent/pdf/PE_GUIDE_2015.pdf

12. ლობჯანიძე ს, რატიანი მ, სამსონია ი. „მასწავლებლის საქმიანობის დაწყების, პროფესიული განვითარების და კარიერული წინსვლის სქემის გზამკვლევი“ ნაწილი II მასწავლებლის პროფესიული განვითარების ეროვნული ცენტრი, 2016 http://tpdc.gov.ge/uploads/pdf_documents/gzamkvlevi%20meore%20nawili.pdf
13. გიორგაძე მის. „როგორ ვიმუშაოთ პედაგოგიურ კვლევებზე?“ / ციფრული რესურსი <http://www.slideshare.net/myleness/ss-15892201>
14. ინტერნეტგამეითი, <http://mastsavlebeli.ge>
15. ელექტრონული რესურსების პროგრამა <https://learningapps.org/index.php?overview&s=&category=0&tool=>

4.4 დანართები

დანართი 1

ა ნ კ ე ტ ა #1

გთხოვ პასუხი გასცე კითხვას

1. შემაჯამებელი ტესტის რომელი ნაწილია შენთვის საინტერესო და მოსახერხებელი?
- ა. ღია დავალებები ბ. არჩევითოლოიანი კითხვები გ. ცხრილები

2. გამოგადგა თუ არა ელექტრონული რესურსები შემაჯამებელი ღაფალების წერის ღროს?

ა.ღიას ბ. არა

3. რომელი ფაქტორი გიშლით ხელს შემაჯამებელ ღაფალებებში უკეთესი შეღეგის მიღწევაში?

ა.ღაფალების სირთულე ბ. ღროის სიმცირე გ. ორივე ფაქტორი

მაღლობა მონაწილეობისთვის.

ღანართი 2

ა ნ კ ე ტ ა #2

გთხოვ პასუხი გასცე კითხვას და დაასაბუთო შენი არჩევანი:

1. გაუმჯობესდა შენი შეღეგი ახალი გიპის შემაჯამებლის წერის ღროს?

ა) ღიას ;

ბ) არა

2. როგორ ფიქრობ რაგომ?

მადლობა მონაწილეობისთვის.

დანართი 3

კითხვარი კოლეგების ანკეტირებისთვის

1. რა ტიპის ღაფალებებს მოიცავს თქვენს მიერ დაგეგმილი შემაჯამებლები მე_7_ე კლასში ?

2. მაქსიმუმ რამდენ შეკითხვას ან თავს აერთიანებს თითოეული შემაჯამებელი?

3. ჩანს თუარა შემაჯამებელ ღაფალებებში ანალიზის, სინთეზის, შეფასების უნარების გამოყენება?

4. აფრთხილებთ თუ არა შემაჯამებელის დაწერამდე მოსწავლეებს?

5. რა ღონისძიებებს მიმართავთ წინა მოსამზადებელ პერიოდში?

6. აწვდით თუ არა ზოგად ინსტრუქციებს?

7. რას უღრის შემაჯამებელი გესგის შედეგის საერთო რეიტინგული მაჩვენებელი?

8. რამდენად კმაყოფილი ხართ მოცემული თემის/თემების შეჯამებით მიღებული შედეგებით?

9. რა მაჩვენებელს ავლენენ მოსწავლეთა უმრავლესობა?

ა) დაბალი (4_5 ქულა) _____

ბ) საშუალოზე დაბალი (6_7 ქულა) _____

გ) საშუალო (8 ქულა) _____

დ) მაღალი (9_10 ქულა) _____

10. რას მიგაჩნიათ მაღალი შედეგის პრიორიტეტად და დაბალი შედეგის მიზეზად?

11. თქვენი შემაჯამებლების დადებითი და უარყოფითი მხარე

12. დაბალი შედეგების შემთხვევაში , რა პრევენციის მექანიზმებს იყენებთ?

13. თქვენს მიერ განხორციელებულმა, რომელმა აქტივობამ მოგცათ მაღალი/ დადებითი შედეგი?

14. რა რეკომენდაციებს მომცემთ და რჩევას გამიზიარებთ_ როგორ გავიღე მაღალ შედეგებზე ჩემს საგანში?

დანართი 4

შემაჯამებელი 2

გასამეორებელი საკითხების ჩამონათვალი

1. ამინდის ელემენტები
2. აგმოსფეროს ტემპერატურის ვერტიკალური გრადიენტი
3. აგმოსფეროს ტემპერატურის განედური საფეხური
4. აგმოსფერული წნევა
5. ჰაერის ტემპერატურის გრაფიკის აგება
6. აგმოსფერული ტემპერატურის ამპლიტუდის გამოთვლა
7. ქარი და მისი სახეები
8. ნალექების წლიური განაწილების გრაფიკის აგება
9. ციკლონი და ანტიციკლონი
10. კლიმატური სარტყლები
11. ჰიდროსფერო და მსოფლიო ოკეანე
12. ბიოსფერო და ბუნებრივი ზონები

რეფლექსია კვლევის შედეგების გაზიარების შესახებ

შპს კერძო სკოლა „ოქროს აკვანში“ განვასხორციელე პრაქტიკის კვლევა **შემაჯამებელ დავალებებში მოსწავლეთა დაბალი აკადემიური მოსწრების მიზეზების და შედეგის გაუმჯობესების გზების კვლევა გეოგრაფიის გაკვეთილზე**

კვლევის მიზანი იყო **დამედგინა** მეშვიდე კლასში გეოგრაფიის შემაჯამებელი დავალებების დაბალი შედეგების მიზეზები და დამეგეგმა მათ აღმოსაფხვრელად განსახორციელებელი ქმედებები. შედეგის გაუმჯობესება და სწავლების ხარისხის ამაღლება. ინტერვენციების საშუალებით მომხერხებინა ამ პრობლემის გადაჭრა. მიღებული შედეგი მეტნაკლებად დადებითია და ვთვლი რომ შეიძლებოდა მისი კოლეგებთან გაზიარება.

კვლევა განხორციელდა 2019–2020 სასწავლო წლის პირველ სემესტრში, სექტემბრიდან დეკემბრის ჩათვლით. კვლევა ჩატარდა როგორც თვისებრივი, ისე რაოდენობრივი თვისებების გამოყენებით, ინსტრუმენტებს კი წარმოადგენდა ფოკუსირებული დაკვირვება, ინტერვიუ, ღია და დახურული ანკეტირება და კითხვარი. შედეგის მისაღწევად გამოყენებული იქნა ინტერვენციები, რომლებიც კვლევის პროცესში საჭიროებიდან გამომდინარე დაიგეგმა. ინტერვენციების დაგეგმვამდე გავესაუბრე კოლეგებს ვინც მათ ასწავლიდათ და ვაწარმოე მათთან ანკეტირება, ვაწარმოე მოსწავლეთა ანკეტირება წერილობითი ფორმით, კოლეგების გამოკითხვა წერილობითი და ზეპირი ფორმით. მოსწავლეებისთვის საინტერესო იყო ის გზით გამდიდრებული გაკვეთილები. კვლევის შედეგების გაზიარება საინტერესო აღმოჩნდა კოლეგებისთვის. დაინტერესდნენ შედეგებით და გაუჩნდათ სურვილი საკუთარი პრაქტიკის კვლევა განახორციელონ. თემის არჩევა მათი პრაქტიკის საჭიროებიდან მოხდებოდა. თუმცა ზოგი ცოტა ეჭვის თვალით უყურებს ამ პროცესების

განხორციელებას , რადგან თვლიან რომ დროის უბრალო ხარჯვაა და ეს ალბათ სწავლის პროცესში ვერ დაეხმარებათ. ვისთვისაც კვლევის გაზიარება დადებითი იყო ,მიიჩნევენ რომ თვითონაც განახორციელებენ საკუთარ პედაგოგიურ პრაქტიკის კვლევას.

უკუკავშირი იყო დადებითი. მათ აღნიშნეს რომ, ჩატარებული კვლევა საკმაოდ რთულ საკითხს ეხება, თუმცა შედეგიანია. ისინი ფიქრობენ, რომ მსგავსი აქტივობები დაეხმარება მოსწავლეებს წინსვლაში და შედეგების გაუმჯობესებაში.

კვლევის ნაკლოვანებად მიმაჩნია: რამდენიმე მოსწავლემ მაქსიმალური შედეგი ვერ აჩვენა, რაც ვფიქრობ გამომდინარეობს ისევ და ისევ საგნის სირთულიდან და მოსწავლეთა მხრიდან ყურადღების გაფანტულობით.

პრაქტიკის კვლევა განთავსებულია ჩემს პირად ბლოგზე.

მირანდა ფორჩხიძე
2020 წლის 14 ივნისი

https://mirandaporchxidze.blogspot.com/p/blog-page_49.html

<https://mirandaporchxidze.blogspot.com>